



L'Academia de la Llingua Asturiana anuncia un *Día de les Lletres* alternativu na seronda

L'Academia de la Llingua Asturiana (ALLA) aplaza pa la seronda'l *Día de les Lletres Asturianes*, qu'habría celebrase'l 8 de mayu, por cuenta de la crisis sanitaria.

D'alguerdu cola Consejería de Cultura, Política Llingüística y Turismu y cola Dirección Xeneral de Política Llingüística del Gobiernu d'Asturies, l'Academia camienta que la situación provocada pol coronavirus COVID-19 –causante de la declaración del estáu d'alarma y del decretu de les midíes d'enzarru– aconseya l'aplazamientu de tolos actos previstos pa la *Selmana* y el *Día de les Lletres Asturianes* hasta la seronda, col enfotu de cebralos entós, en feches qu'habrán fixase y asoleyase de forma afayadiza.

El Gobiernu asturianu yá entamare'l diseñu de la *Selmana de les Lletres Asturianes* que, ente los díes 4 y 8 de mayu, diba dedicar los sos actos de promoción de la lliteratura n'asturianu y n'eonaviegu a la figura de la escritora María Teresa Villaverde, *Tuxa*.

Pel so llau, l'ALLA tenía yá bien avanzada la xera organizativa del cuarentenu primer *Día de les Lletres Asturianes*, previstu pal 8 de mayu y n'onde, ente otro, taba programada la entrega del II Premiu Nacional de Lliteratura Asturiana al escritor Xuan Xosé Sánchez Vicente. En respuesta a esti aplazamientu sobreveníu y necesariu, l'Academia piensa yá nun diseñu alternativu del actu que se desenvuelve añalmente alreduro de la xunta extraordinaria de la Institución.